

## **TERMA & SYARAT KEMPEN ANDA SIMPAN, CBP GANDAKAN**

### **1. DEFINISI**

- 1.1. Bagi tujuan Terma-terma dan Syarat-syarat ini, perkataan dan ungkapan berikut adalah bermaksud seperti makna yang diberikan kepadanya:-
- 1.2. "Co-opbank Pertama" bermaksud Koperasi Co-opbank Pertama Malaysia Berhad (Koperasi No.1146 / 7.6.50), koperasi yang diperbadankan di Malaysia di bawah Akta Koperasi 1993 dan mempunyai alamat berdaftar di No. 27, Tingkat 2,Wisma JCBNEXT,Lorong Medan Tuanku 1, Off Jalan Sultan Ismail,50300 Kuala Lumpur.
- 1.3. "Kempen" bermaksud **Kempen Anda Simpan, CBP Gandakan** yang dianjurkan oleh Co-opbank Pertama dan tertakluk kepada terma dan syarat yang dinyatakan di sini.
- 1.4. "Pelanggan Yang Layak" bermaksud pendeposit bagi Akaun Individu yang melakukan pembukaan Akaun Deposit-i Berjangka atau melakukan penambahan akaun deposit (*top-up*) untuk Akaun Deposit-i Berjangka sedia ada dengan memenuhi terma & syarat kelayakan yang ditetapkan oleh Co-opbank Pertama. Sila rujuk di Klausula 3.1.

### **2. TEMPOH KEMPEN**

- 2.1. Tempoh kempen adalah bermula pada tarikh 1 April 2021 hingga 30 September 2021 dan boleh dilanjutkan (jika ada) sehingga \*31 Mac 2022 (termasuk ketiga-tiga tarikh tersebut) yang bermaksud ("Tempoh Kempen").

\*Nota : Pelanjutan Tempoh Kempen akan diputuskan oleh Pihak Pengurusan Co-opbank Pertama dan maklumat terkini akan disalurkan melalui saluran-saluran komunikasi Co-opbank Pertama.

- 2.2. Pihak Co-opbank Pertama (selepas ini dirujuk sebagai "CBP") mempunyai hak untuk mengubah atau meminda Tempoh Kempen tersebut mengikut budi bicara secara mutlak dengan memberi notis secara bertulis yang akan dipaparkan di semua Cawangan CBP dan melalui paparan di laman web CBP dalam tempoh Empat Belas (14) hari bekerja dan segala keputusan yang berkaitan tempoh tersebut adalah muktamad.

### **3. KELAYAKAN PERMOHONAN DAN KEMPEN**

- 3.1. Kempen ini terbuka kepada pelanggan-pelanggan yang ingin membuka Akaun Deposit-i Berjangka (Individu) atau melakukan penambahan akaun deposit (*top-up*) untuk Akaun Deposit-i Berjangka (Individu) sedia ada, sepanjang Tempoh Kempen.
- 3.2. Jumlah deposit minima bagi Kempen ini ialah RM10,000 sehingga maksima RM1 juta.
- 3.3. Kakitangan CBP (termasuk Anggota Lembaga, Jawatankuasa Audit Dalaman dan Jawatankuasa Syariah) yang bekerja secara tetap dan / atau kontrak serta anggota

keluarga terdekat mereka (suami / isteri, anak-anak serta ibu bapa) adalah tidak layak untuk menyertai Kempen ini.

3.4. Perincian maklumat Kempen adalah seperti berikut:

CIRI-CIRI	KETERANGAN										
<b>KONSEP SYARIAH</b>	Murabahah Tawarruq										
<b>KELAYAKAN PENDEPOSIT</b>	<ul style="list-style-type: none"> <li>• Individu dengan deposit baharu (<i>Fresh Fund</i>)</li> <li>• Individu dengan deposit tambahan (<i>Top-up Fund</i>)</li> </ul>										
<b>JUMLAH DEPOSIT</b>	Minima: RM 10,000 Maksima: RM1 Juta										
<b>KADAR KEUNTUNGAN PROMOSI</b>	<table border="1"> <thead> <tr> <th>Tempoh (Tahun)</th> <th>Kadar Keuntungan Promosi (Setahun)</th> </tr> </thead> <tbody> <tr> <td>2</td> <td>2.55%</td> </tr> <tr> <td>3</td> <td>2.75%</td> </tr> <tr> <td>4</td> <td>2.95%</td> </tr> <tr> <td>5</td> <td>3.15%</td> </tr> </tbody> </table>	Tempoh (Tahun)	Kadar Keuntungan Promosi (Setahun)	2	2.55%	3	2.75%	4	2.95%	5	3.15%
	Tempoh (Tahun)	Kadar Keuntungan Promosi (Setahun)									
	2	2.55%									
	3	2.75%									
	4	2.95%									
5	3.15%										
<b>KEKERAPAN PEMBAYARAN KEUNTUNGAN</b>	Sekali setahun										
<b>KAEDAH PEMBAYARAN KEUNTUNGAN</b>	Melalui Akaun Simpanan-i Salam (Individu) atau Akaun Deposit-i Berjangka										
<b>PROSES KELULUSAN</b>	Kelulusan seperti biasa										
<b>TERMA &amp; SYARAT LAIN</b>	Tidak berubah										

- 3.5. Pelanggan Yang Layak diberi pilihan untuk membuka Akaun Simpanan-i Salam (Individu) dan mengekalkan akaun simpanan tersebut bagi tujuan pengkreditan keuntungan atau pengkreditan terus ke dalam Akaun Deposit-i Berjangka.
- 3.6. Tiada sebarang pembayaran keuntungan diberikan ke atas pengeluaran pra-matang yang dibuat sepertimana ditetapkan dalam Nota Kontrak Murabahah yang telah dipersetujui oleh Pelanggan. Manakala bagi keuntungan yang telah dikeluarkan oleh Pelanggan (sekiranya ada), jumlah keuntungan tersebut akan ditolak dari jumlah prinsipal berlandaskan kaedah Syariah *Ibra' (Dho' wa ta'ajjal)*.
- 3.7. Pengeluaran separa tidak dibenarkan kecuali pengeluaran pra-matang sepenuhnya.
- 3.8. Setelah tempoh matang, Akaun Deposit-i Berjangka ini akan diperbaharui secara automatik berlandaskan kontrak Syariah *Wakalah* dengan tempoh yang sama atau mana-mana tempoh yang ditentukan dan dipersetujui oleh Pelanggan dan menggunakan *Current Board Rate* CBP.

#### 4. UMUM

- 4.1. Keputusan yang dibuat oleh pihak CBP terhadap semua perkara dan / atau sebarang pertikaian berkaitan dengan Kempen ini adalah muktamad. Sebarang pengikatan dan surat-menyurat selanjutnya tidak akan dilayan.
- 4.2. Pihak CBP mempunyai hak untuk mengguna, menyiar atau mempamerkan butir-butir pendeposit terpilih dalam apa bentuk sekali pun yang dianggap sebagai perlu dan bersesuaian (termasuk tetapi tidak terbatas kepada) nama, gambar, dan bandar tempat tinggal pendeposit yang terpilih itu untuk tujuan pengiklanan dan publisiti (jika ada). Dengan menyertai Kempen ini, pendeposit terpilih itu dengan ini secara nyata telah membenarkan dan bersetuju dengan pihak CBP untuk melaksanakan hak-hak yang disebut lebih awal. Para Pelanggan Yang Layak akan mempunyai budi bicara mereka sendiri untuk mendapat dan mengemaskinikan butiran peribadi mereka dengan cara memberitahu pihak CBP secara bertulis sepanjang Tempoh Kempen.
- 4.3. Pihak CBP mempunyai hak dan pertimbangan yang muktamad untuk mengubah, meminda, memansuhkan atau menambah mana-mana Terma dan Syarat yang dinyatakan secara khususnya di dalam dokumen ini, secara keseluruhan atau mana-mana bahagian dari semasa ke semasa termasuk untuk mengubah jangka masa Kempen yang dianggap perlu dan wajar dengan memberi notis yang secukupnya dalam tempoh tiga puluh (30) hari bekerja melalui laman web rasmi CBP atau notis di cawangan-cawangan CBP.
- 4.4. Pihak CBP mempunyai hak dan pertimbangan mutlak untuk membatalkan mana-mana Pelanggan yang Layak yang didapati atau diputuskan sebagai mengganggu proses penyertaan dan / atau operasi Kempen, yang melanggar atau berpotensi melanggar Terma dan Syarat yang termaktub di sini.
- 4.5. Terma dan Syarat ini akan mengatasi mana-mana peruntukan lain dan / atau representasi yang terkandung di dalam mana-mana bahan promosi lain yang mengiklankan Kempen ini.
- 4.6. Dengan menyertai Kempen ini, para Pelanggan Yang Layak dan / atau mana-mana pihak yang berkaitan di sini bersetuju untuk terikat dengan Terma dan Syarat-Syarat yang telah dinyatakan.
- 4.7. Pihak CBP tidak akan bertanggungjawab bagi sebarang kegagalan berkaitan dengan Kempen ini disebabkan oleh takdir, peperangan, rusuhan, pemogokan, halangan masuk oleh majikan, tindakan industri, kebakaran, banjir, musim kemarau, ribut, kegagalan teknikal atau sistem atau apa-apa kejadian di luar bidang kuasa kawalan yang sepatutnya oleh pihak CBP.
- 4.8. Kesemua Terma dan Syarat yang termaktub di sini adalah tertakluk dan akan diperjelaskan selaras dengan perundangan Malaysia dan segala pertikaian berkaitan Kempen ini akan di rujuk kepada Mahkamah di Malaysia.
- 4.9. Jika berlaku sebarang percanggahan atau konflik dalam interpretasi Terma dan Syarat-Syarat ini, sama ada dalam versi Bahasa Inggeris dan / atau versi Bahasa Malaysia tentang setiap satu Terma dan Syarat ini akan diperjelaskan sebagai sama



atau setara dan setiap satu Terma dan Syarat yang ditentukan itu akan membawa makna yang sama.